

| | | | |
|------------|---|-------------|---------------------|
| Headline | Pemuda UMNO tetap minta LTH jual tanah di TRX | | |
| MediaTitle | Berita Harian | | |
| Date | 23 Jun 2015 | Color | Full Color |
| Section | Nasional | Circulation | 314,000 |
| Page No | 16 | Readership | 942,000 |
| Language | Malay | ArticleSize | 108 cm ² |
| Journalist | N/A | AdValue | RM 3,723 |
| Frequency | Daily | PR Value | RM 11,169 |



Pemuda UMNO tetap minta LTH jual tanah di TRX

Kuala Lumpur: Pemuda UMNO mengulangi pendiriannya sebelum ini meminta supaya tanah dibeli Lembaga Tabung Haji (LTH) di Tun Razak Exchange (TRX), dijual.

Ketuanya, Khairy Jamaluddin Abu Bakar (**gambar**), berkata pergerakan itu sebelum ini meminta supaya urusan jual beli tanah itu daripada 1Malaysia Development Berhad (1MDB) dibatalkan atas kepentingan bersama.

"Oleh kerana urusan jual beli tanah itu dengan 1MDB tidak boleh dibatalkan, Pemuda UMNO mahu tanah itu dijual.

"Kami berpegang pada pendirian bahawa LTH tidak perlu membabitkan diri dengan isu berkaitan 1MDB. Pendirian kami (Pemuda UMNO) tidak berubah," katanya pada sidang media di sini, semalam.

Khairy yang juga Menteri Belia dan Sukan bagaimanapun berkata, Pemuda UMNO mematuhi permintaan Perdana Menteri, Datuk Seri Najib Razak yang mahu 1MDB diberi masa untuk menyelesaikan kemelut kewangan mereka.

"Seperti yang Perdana Menteri kata dan janjikan, ada penyelesaian untuk isu ini. Kami akan tunggu dan berharap ia dapat diselesaikan dengan penuh rasional," katanya.

Sementara itu, Khairy berkata, Pemuda UMNO akan menganjurkan Hari Terbuka Cukai Barang dan Perkhidmatan (GST) pada 30 Jun ini di Institut Latihan Dewan Bandaraya Kuala Lumpur di Bandar Tun Razak di sini, bagi memberi peluang orang ramai memahami dengan jelas pelaksanaan cukai itu.